

DALAI LAMA NANTES 2008

祈祷书

佛经

祈祷书

第十四世达赖喇嘛尊者

南特市2008

祈祷书

第十四世达赖喇嘛尊者

南特市2008

篇目

中觀論頌	3
釋菩提心論	9
寶鬘論	17
般若波羅密多心經	29
供曼陀羅法	31

中觀論頌

༄༅། །དབུ་མ་རྩ་བའི་ཚིག་ལེན་པ་གྲུ་བ་ཤེས་རབ་ཅེས་བྱ་བ།།

Mūla-madhyamaka-kārikā

《中觀論頌》 龍樹菩薩造 鳩摩羅什譯

觀法品第十八

若我是五陰 我即爲生滅 若我異五陰 則非五陰相
若無有我者 何得有我所 滅我我所故 名得無我智
得無我智者 是則名實觀 得無我智者 是人爲希有
內外我我所 盡滅無有故 諸受即爲滅 受滅則身滅
業煩惱滅故 名之爲解脫 業煩惱非實 入空戲論滅
諸佛或說我 或說於無我 諸法實相中 無我無非我
諸法實相者 心行言語斷 無生亦無滅 寂滅如涅槃
一切實非實 亦實亦非實 非實非非實 是名諸佛法
自知不隨他 寂滅無戲論 無異無分別 是則名實相
若法從緣生 不即不異因 是故名實相 不斷亦不常
不一亦不異 不常亦不斷 是名諸世尊 教化甘露味
若佛不出世 佛法已滅盡 諸辟支佛智 從於遠離生

觀四諦品第二十四

若一切皆空 無生亦無滅 如是則無有 四聖諦之法
以無四諦故 見苦與斷集 證滅及修道 如是事皆無
以是事無故 則無有四果 無有四果故 得向者亦無
若無八賢聖 則無有僧寶 以無四諦故 亦無有法寶
以無法僧寶 亦無有佛寶 如是說空者 是則破三寶
空法壞因果 亦壞於罪福 亦復悉毀壞 一切世俗法

汝今實不能	知空空因緣	及知於空義	是故自生惱
諸佛依二諦	爲眾生說法	一以世俗諦	二第一義諦
若人不能知	分別於二諦	則於深佛法	不知真實義
若不依俗諦	不得第一義	不得第一義	則不得涅槃
不能正觀空	鈍根則自害	如不善咒術	不善捉毒蛇
世尊知是法	甚深微妙相	非鈍根所及	是故不欲說
汝謂我著空	而爲我生過	汝今所說過	於空則無有
以有空義故	一切法得成	若無空義者	一切則不成
汝今自有過	而以回向我	如人乘馬者	自忘於所乘
若汝見諸法	決定有性者	即爲見諸法	無因亦無緣
即爲破因果	作作者作法	亦復壞一切	萬物之生滅
眾因緣生法	我說即是空	亦爲是假名	亦是中道義
未曾有一法	不從因緣生	是故一切法	無不是空者
若一切不空	則無有生滅	如是則無有	四聖諦之法
若不從緣生	云何當有苦	無常是苦義	定性無無常
若苦有定性	何故從集生	是故無有集	以破空義故
苦若有定性	則不應有滅	汝著定性故	即破於滅諦
苦若有定性	則無有修道	若道可修習	即無有定性
若無有苦諦	及無集滅諦	所可滅苦道	竟爲何所至
若苦定有性	先來所不見	於今云何見	其性不異故
如見苦不然	斷集及證滅	修道及四果	是亦皆不然
是四道果性	先來不可得	諸法性若定	今云何可得

若無有四果	則無得向者	以無八聖故	則無有僧寶
無四聖諦故	亦無有法寶	無法寶僧寶	云何有佛寶
汝說則不因	菩提而有佛	亦復不因佛	而有於菩提
雖復勤精進	修行菩提道	若非先佛性	不應得成佛
若諸法不空	無作罪福者	不空何所作	以其性定故
汝於罪福中	不生果報者	是則離罪福	而有諸果報
若謂從罪福	而生果報者	果從罪福生	云何言不空
汝破一切法	諸因緣空義	則破於世俗	諸餘所有法
若破於空義	即應無所作	無作而有作	不作名作者
若有決定性	世間種種相	則不生不滅	常住而不壞
若無有空者	未得不應得	亦無斷煩惱	亦無苦盡事
是故經中說	若見因緣法	則爲能見佛	見苦集滅道

觀十二因緣品第二十六

眾生痴所覆	爲後起三行	以起是行故	隨行入六趣
以諸行因緣	識受六道身	以有識著故	增長於名色
名色增長故	因而生六入	情塵識和合	以生於六觸
因於六觸故		即生於三受	以因三受故
而生於渴愛	因愛有四取	因取故有有	若取者不取
則解脫無有			
從有而有生	從生有老死	從老死故有	憂悲諸苦惱
如是等諸事	皆從生而有	但以是因緣	而集大苦因
是謂爲生死	諸行之根本	無明者所造	智者所不爲

以是事滅故 是事則不生 但是苦陰聚 如是而正滅

釋菩提心論

༄༅། །བྱང་ལྷུང་སེམས་ཀྱི་འགྲེལ་པ་ཞེས་བྱ་བ་བཞུགས་སོ།།

Bodhicitta-vivāraṇa-nāma

《釋菩提心論》 龍樹菩薩造 釋法音譯

梵語謂：菩提吉達比哇拉那南麻。即名：《釋菩提心論》。

敬禮吉祥金剛薩埵。

如云：「離一切真實，盡斷蘊界處，並斷能所取，法無我等性，自心本不生，即是空性性。」

如其諸佛薄伽梵、及諸大菩薩於大菩提而發心；如是，我於眾生，諸未度脫者令度脫、諸未解脫者令解脫、諸未安穩者令安穩、諸未涅槃者令般涅槃，爲此之故，從今時始，直至證得菩提藏之際，亦於大菩提而發心。

菩薩以秘密門而行持諸行，如是以世俗行相發起願菩提心自性者，從而將依修習力發起勝義菩提心，故應說彼自性。

- 一、禮覺心自體 諸具德金剛 修習菩提心 壞有我宣說
- 二、覺心我蘊等 智分別不障 即常空性相 諸佛所承許
- 三、由悲潤澤心 勤修諸事行 大悲自體佛 常修此覺心
- 四、外道所假立 彼我正理觀 一切諸蘊內 雖住尋不得
- 五、蘊有彼非常 故亦無我體 彼常無常二 無能所依事
- 六、若我實非有 作者云何常 於有法諸法 趣入世間行
- 七、若常故作義 即非漸非頓 是故於內外 必無常事物
- 八、若力觀待何 彼成正頓行 任觀待他事 彼非常具力
- 九、若事物非常 事恒剎那故 即於無常事 未遮彼作者
- 十、離我等世間 此即蘊界處 諸所取能取 皆心摧滅相
- 十一、由諸許利者 即謂色受想 行識爲五蘊 爲諸聲聞說

- 十二、兩足尊常說 諸色如聚沫 諸受如浮泡 諸想同陽焰
 十三、諸行如芭蕉 諸識如幻術 如是說蘊者 爲諸菩薩說
 十四、四大種自性 廣說爲色蘊 餘者爲無色 無不生故成
 十五、種種眼等色 說諸界性者 及處爲所取 應知亦能取
 十六、無色塵餘根 極無能作根 生者與所生 真實生非理
 十七、非色塵根識 所生越諸根 集攝故生彼 亦不許聚合
 十八、由分彼方所 亦見分微塵 任依分假立 微塵何應理
 十九、一相外境者 契知爲相異 任彼可悅色 彼由餘成餘
 二十、婦女色一味 噉食諸欲塵 如犬遍貪財 即爲三分別
 二十一、由同義作義 豈非如夢損 於彼夢醒際 作義無差別
 二十二、由彼能所體 任識顯現者 必皆無識外 體異外境有
 二十三、是故事物體 皆無外境相 此由各識現 成現色行相
 二十四、如士夫心愚 見幻術陽焰 及尋香城等 如是見色等
 二十五、爲摧我執故 乃說蘊界等 於住唯心者 長劫亦斷彼
 二十六、於說內識者 此諸由心成 識自性者何 今應闡說彼
 二十七、凡此皆唯識 由能仁宣說 凡愚所怖畏 斷故而非彼
 二十八、遍計依他起 圓成實性者 空性唯一體 即於心假立
 二十九、喜大乘大士 法無我等性 心本始未生 乃由佛略說
 三十、瑜伽行派者 許由自心故 處轉變淨心 各各自行境
 三十一、彼非過去者 未來者未得 住故處轉變 現在云何有
 三十二、彼非如其現 彼非如是現 心乃無我體 無他所依識
 三十三、如其近磁石 鐵即速轉繞 於彼無心識 成具心而現
 三十四、如是阿賴耶 無實正爲實 若時去來動 彼時能執有
 三十五、如其海與木 無心而轉動 如是阿賴耶 身依而轉動

三十六、謂無身無識 此說若遍觀 於各自證體 何如但亦說
 三十七、以說各自證 彼即說爲事 說謂此與彼 無力然可說
 三十八、於自復於他 決定生事故 智者極趣入 常無諸錯亂
 三十九、由知證所知 無所知無知 是則何不許 無所明能明
 四十、心乃唯名者 名外餘皆無 唯名以智觀 名亦自性無
 四十一、在內或在外 或在二中間 佛尋心不得 故心幻術性
 四十二、形色之區分 或所取能取 男女黃門等 體悉非住心
 四十三、要之由諸佛 不見悉未見 無自性自性 如何而觀見
 四十四、真實乃分別 無分別即空 任分別所現 彼何有空性
 四十五、能所證相心 如來悉未見 任有能所證 彼即無菩提
 四十六、無性相無生 非有離語道 虛空與覺心 菩提無二相
 四十七、入住菩提藏 大士正等覺 具慈一切時 知空如虛空
 四十八、故法諸所依 寂而如幻術 常修此無事 能壞有空性
 四十九、無生與空性 無我謂空性 劣士任所修 彼非彼能修
 五十、善非善分別 乃斷續流相 空性唯佛說 餘者不許空
 五十一、於心無所緣 即住虛空相 諸修空性者 即許修虛空
 五十二、由空性獅吼 怖諸能語者 若彼入住彼 彼彼成空性
 五十三、若心爲剎那 彼彼爲非常 若心無常性 則空性何違
 五十四、要之由諸佛 許心爲無常 則心何不許 亦即成空性
 五十五、無始來彼心 乃常無自性 事物自性成 非說彼無性
 五十六、如是說諸心 即斷彼我處 由越自自性 故法爲非法
 五十七、一如蔗甜味 火性爲熱性 如是許諸法 自性爲空性
 五十八、以空說自性 非說何斷滅 故由彼亦非 說有法常性
 五十九、從無明至老 究竟十二支 依緣起事行 我許如夢幻

六十、有輪十二支 三有道中轉 餘此悉不許 有情業果行
 六十一、如其依於鏡 現起面圓輪 彼者非轉彼 彼無彼亦無
 六十二、一如蘊結生 他世無生轉 故此諸智者 恆應出離行
 六十三、要之由空法 而生諸法空 佛說世俗中 作者業果受
 六十四、如其諸鼓聲 如苗由聚生 外依緣起者 許如夢幻術
 六十五、諸法由因生 永不成相違 因由因空故 得證彼無生
 六十六、諸法即無生 極說此爲空 要之諸五蘊 即說一切法
 六十七、彼如是說故 不斷世續流 由世俗相異 彼即非所緣
 六十八、世俗說爲空 唯空爲世俗 定無不生故 如所依無常
 六十九、世俗惑業生 業由心所生 心由習氣積 離習氣安樂
 七十、樂心寂滅性 心寂不成愚 證彼無愚痴 由證得解脫
 七十一、真如真實邊 無相與勝義 彼勝菩提心 亦即說爲空
 七十二、凡是不知空 彼非解脫依 六趣生死獄 痴故成流轉
 七十三、如是於此空 瑜伽師若修 則貪利他心 無疑必得生
 七十四、若任父與母 善士於往昔 曾作利益我 此諸有情眾
 應當予報恩
 七十五、生死獄有情 惑火所炙燒 如我去除苦 如是應與樂
 七十六、世間善惡趣 其愛非愛果 皆由於有情 作利損而生
 七十七、若無上佛位 且依有情得 人天諸資財 梵自在猛利
 七十八、護世所受用 於此三趣中 唯由利有情 所引有何奇
 七十九、地獄鬼畜中 有情所蒙受 苦事非一種 從損有情起
 八十、飢渴互打擊 及諸侵害苦 難遮無窮盡 皆損有情果
 八十一、諸佛菩提心 及彼善惡趣 任有情異熟 應知體爲二
 八十二、諸事所依者 應如護自身 於有情離貪 如毒應力捨

八十三、諸聲聞離貪 豈非劣菩提 由不捨有情 佛得大菩提
 八十四、若觀生如是 利非利諸果 則於剎那頃 豈住貪自利
 八十五、悲堅爲根本 菩提心苗生 利他唯覺果 諸佛子應修
 八十六、若修令堅固 諸怖他苦者 能捨靜慮樂 而入無間中
 八十七、此奇此應讚 此爲勝士法 若賜諸自身 及財非爲奇
 八十八、知此諸法空 而依業果者 甚奇此甚奇 希有此希有
 八十九、具救有情心 雖生生死沼 得彼而不染 一如水蓮瓣
 九十、普賢等佛子 以空性智火 雖焚煩惱薪 悲心亦潤澤
 九十一、爲悲自在者 降生入胎戲 離宮與苦行 大覺伏魔軍
 九十二、廣轉諸法輪 諸天普祈請 又復入涅槃 即大師諸行
 九十三、變化梵自在 遍入猛利等 以調有情行 大悲性戲舞
 九十四、有道悲苦者 爲令息故說 大乘有二智 說亦非勝義
 九十五、乃至佛未勸 爾時智身證 嚐定故廣增 聲聞住於彼
 九十六、若勸以諸色 而貪有情利 累積福慧資 得證佛菩提
 九十七、由二有習氣 習氣說種子 由種正聚合 即生生死苗
 九十八、世間怙主教 隨有情心器 世中多方便 成異多行相
 九十九、深廣之分類 有具二相者 雖異而宣說 空無二非異
 一〇〇、總持與諸地 佛諸波羅蜜 爲菩提心分 乃由遍智說
 一〇一、由是身口意 常作有情利 於諸諍空者 非有斷滅諍
 一〇二、大士悉不住 輪迴涅槃中 故由諸佛說 此無住涅槃
 一〇三、大悲一味福 空性爲勝味 爲成自他利 任飲即佛子
 一〇四、諸事所頂戴 三有恒應供 爲得佛紹位 故入世引導
 一〇五、說此菩提心 爲大乘勝者 等持所精勤 而發菩提心
 一〇六、爲成自他利 實無餘方便 昔除菩提心 佛未見方便

- 一〇七、唯發菩提心 任所得福聚 若彼爲具色 勝逾滿虛空
 一〇八、士夫唯剎那 修習菩提心 所得福德聚 佛亦不計數
 一〇九、無惑珍寶心 唯一此勝財 惑魔等盜賊 不損無以奪
 一一〇、如其輪迴中 諸佛菩薩願 趣覺心者應 不動如是心
 一一一、雖奇但汝等 精勤如所說 則後由自身 得證普賢行
 一一二、由讚諸勝佛王所讚菩提心 無等福聚今時任我所得者
 以彼願令沉在有海浪有情 得能趣行兩足自在開示道

跋：

《釋菩提心論》，是由阿闍黎大士聖者龍樹所造圓滿，由印度堪布古那嘎拉、與極靜善士譯師譯校，復由印度堪布嘎那嘎哇瑪、與西藏譯師巴曹尼瑪扎審訂。

寶鬘論

༄༅། །རྒྱལ་པོལ་གཏམ་བྱ་བ་རིན་པོ་ཆེའི་ཕྱིང་བ་བཞུགས་སོ།།

Ratnamāla (Ratnavali)

《寶鬘論》 龍樹菩薩造 釋法音譯

第三品 菩提資糧攝要

諸佛相嚴好，從難思福生，如彼教乘說，王當如斯行。
於彼緣覺福，有學無學福，及無盡世福，如世無邊數，
更聚十倍數，感佛一毛相。諸佛毛孔相，一切似彼然，
由彼遍毛孔，生作諸福德，此福更百倍，感一妙隨好。
福德斯感獲，王此妙隨好，得一須如此，乃至共八十。
八十種隨好，福德任聚集，共成百倍數，爲佛一相好。
成彼三十相，因福廣幾許，此更千倍數，爲佛一白毫。
任一白毫福，聚增百千倍，始現一頂髻。頂髻生作福，
更增此千萬，總聚千萬倍，無邊諸十數，感佛語妙音，
六十生勝福。福德無可量，遍世間方所，十倍說無餘，
有量實無量，感佛妙色身。彼因世無量，況佛法身因，
云何爲計量？若盡小因聚，始爲彼大果；佛因既無量，
果利必無量。諸佛妙色身，從福資糧生，法身要言之，
從慧資糧生；故此二資糧，乃證佛刹因，故應堅固依。
福慧二資糧，由彼教理示，暫作喘息因，得證菩提福，
不應怠墮行。方所遍虛空，是謂無量慧，身心諸疾苦，
疾得而消除。罪感惡趣身，得飢渴等苦，斷惡植福德，
他世苦不生。闇痴故心苦，愛著貪怖等，當知不堅穩，
速應予斷除。身心諸疾苦，若彼極不欲，世間未空際，
雖導世何懼？若苦時雖短，難忍況長時，無苦但爲樂，
長時亦何難？菩薩無身苦，意苦更何有？悲心救世苦，

故恒住世間。佛位長劫得，智者不沉怠，盡罪功德利，
 此應恒精勤。彼諸貪瞋痴，知罪悉斷除；無諸貪瞋痴，
 知德恭敬依。貪故生餓鬼，瞋故墮地獄，痴故爲畜生，
 翻此即人天，斷過修善德，爲增上生法；知執悉之盡，
 謂決定勝法。於佛身像塔，伽藍恭敬禮，偉大聖跡等，
 廣饒予造作，悉由寶聚造，佛身妙善形，殊妙善塑畫，
 端坐蓮花台，寶聚祈莊飾，正法苾芻僧，殷重作護持。
 金寶莊飾網，皆供飾佛塔，金銀質寶花，金剛珊瑚珠，
 珍寶吠琉璃，廣饒供佛塔。興供說法人，具足名利敬，
 歡喜而行持，六法敬依行。尊處恭敬聞，侍奉並啓請，
 於諸菩薩眾，亦常敬供養。於他外道徒，不應敬供禮，
 因無知由彼，緣過邪貪執。能仁所教誡，及書寫經函，
 種種筆墨汁，先行作惠施。爲彼字學堂，尋雇阿闍黎，
 並供賜師長，作智增方便。於老幼病衰，爲除眾生苦，
 廣備醫濟者，安置諸物用。亭滿俱喜水，塘處置灌水，
 草蓐卧具食，賜施善妙智。城邑伽藍地，眾城聚會處，
 於彼水稀道，應賜給水漿。病者無依苦，慘劣諸惡者，
 恒悉悲攝護，恭敬作救養。餓時所需食，穀物諸果類，
 化緣苾芻眾，未賜不得用。履傘蓋瀘網，除刺諸方便，
 針線及搖扇，當置安穩處。三果及三辛，酥油密眼藥，
 善放解浴衣，書咒及藥方，塗身首足油，孩童嬉戲椅，
 寶瓶利斧等，當置安穩處。芝麻穀米食，紅糖及用油，
 悉置蔭涼處，當盈灌賜水。於蟻蟲穴傍，食水穀酥油，
 常爲穀堆聚，付管可信人。飲用食前後，餓鬼犬蠅類，

鳥類等彼樂，恒應作施食。災疫貧瘠年，傷損染疫疾，
世間受擾境，隨濟廣大行。悲慘諸田夫，糧種隨賜給，
不征苛租稅，當取宜租用。救護悲憐者，增稅與減稅，
於此作行持，摧治彼煩難。於至他國境，當息盜劫患，
物量作交易，當付予等值。於彼大臣說，內涵悉當知，
如彼世醫生，盡彼恒所行。如爲己資益，任汝幾恭敬，
亦當利他行，如汝恆敬侍。地水火風等，醫藥草木林，
如汝長受用，當令人受用。七步必死際，盡物生捨心，
一切諸菩薩，生福如虛空。女色善莊飾，尙且作希求，
則此悉持法，總持各自得。具持諸莊飾，女眾計八萬，
同以一切物，能仁昔時施。光麗或繁多，首飾諸莊具，
香鬘盡受用，慈施惠乞者。若人不具法，實已極悲憐，
彼時作惠施，勝施莫逾此。若人毒資益，則當作毒施，
勝餽若無益，於彼亦不施。如己爲蛇咬，斷指而有益，
能仁說利他，難持亦當行。正法說法人，汝當勝敬奉，
敬信聽受法，於他作法施。莫喜世間言，當喜出世語，
如己任所有，當令他得此。聞法莫喜足，分辨彼法義，
於師獻供施，恒敬作啓請。莫誦外道論，爲慢當止諍，
自德不揚讚，亦當讚敵德。關要當守護，於他若惡心，
不可作論辯，自舛自觀思。誠他斷惡行，己卻似善巧，
自當斷離此，他惡亦盡摧。於己作傷害，無瞋觀宿業，
令苦不復生，當令自無過。莫希求恩報，於他利濟行，
彼唯劇苦受，求樂悉皆同。縱有天圓滿，不當懷驕意，
縱貧如餓鬼，衰損不氣餒。誠正而自利，縱死緣王政，

趨衰亦恒宜，逾此則默然。如彼作宣說，恒依禁戒行，
故此吉祥地，誠正妙善得。汝當於一切，善巧作簡擇，
正觀如實義，不依於他人。依法王政樂，令譽遍處揚，
得廣妙善果，臣民悉頂戴。死緣極爲多，活緣尤爲少，
雖彼死歿性，亦恒作法行。若恒作法行，世間及自身，
悉皆蒙受樂，依法爲性者，眠覺常安樂，夢中見善事，
若自內無失，夢中亦見樂。敬樂待父母，敬奉諸有德，
惠施善施用，軟語無兩舌；實護念禁戒，得天自在已，
猶行天自在，故當依法行。商族三百食，一日三時施，
但若刹那慈，福德難計量。人天俱爲慈，彼等亦護念，
心樂喜樂多，毒器不爲害。不勞義得成，得生梵世間，
彼雖未解脫，得慈八功德，若令諸眾生，堅趨菩提行，
堅穩如須彌，恒得菩提心。由信離無暇，持戒善趣因，
依止習空義，諸法悉無貪。無誑得念根，作意得慧力，
敬奉義通達，護法妙智人。聞法並作施，若令作無障，
佛爲友伴性，所欲疾獲致。無貪義利成，無慳受用增，
離慢成主尊，法忍得總持。若施王精華，於怖無畏施，
諸魔不得便，感具大勝力。佛塔懸燈鬘，幽闇秉明燈，
施燈菜子油，感獲天眾眼。佛塔供樂音，並供諸鈴具，
又極供螺鼓，感獲天眾耳。他擾不諍論，不嘲支闕者，
心隨護念他，感獲他心通。作施履騎乘，恭敬困蹇者，
謹敬師座騎，感獲善神通。令彼如法行，念知教乘義，
無垢法施行，感獲宿命通。諸法悉無性，普淨如正知，
感獲等六通，最勝漏盡通。爲眾得解脫，等具知實義，

大悲堅持行，得證勝佛位。由彼諸淨願，佛土得清淨，
諸寶供能仁，淨顯無量光。故彼諸業果，相順知作持，
恒行利他行，汝亦獲自利。

第四品 教示王理

王事堪能否，知悉亦爲難，若行非法行，依王營治故，
大皆唯稱許，益否亦難知。少數抑他人，若難進逆言，
況邑主王汝，苾芻我何說？我爲汝喜故，亦爲慈愍眾，
逆言汝當聽，唯我作啓請。具實義合宜，慈愛於弟子，
當行世尊說，故我亦此說。應住於無瞋，說彼真實語，
如浴受淨水，堪聽應取行。我於現來世，讚汝應讚處，
知行自得利，於他亦利行，由昔施乞者，得利若不施，
貪不報恩利，後義更不得。此世苦役者，若無薪資糧，
不施索俸者，後世成百數。故恒以大心，廣持歡喜行，
廣積彼業果，盡悉生廣大。無福下劣王，心不思不行，
法基三寶依，聲名具吉祥。法基悉供值，王此毛不豎，
殆死成惡名，王此不當爲。於伽藍依處，離驕喜作持，
於劣摧慢意，物用盡捨行。王當捨盡物，無主趨赴死，
爲法任所作，汝必獲義利。先王諸產業，悉爲新王主，
昔時法或樂，唯虛名何有？財用今世樂，行施他世樂，
不施用耗費，唯苦有何樂？臨終惡人臣，勸王慳非愛，
爲取寵新王，無權無以施。故疾而明利，物用施法基，
死緣內安住，如劇風燈火。先王於法基，值造寺宇等，
任諸善巧行，沿習作護持。無害修善業，住戒時慈護，

無諍住正忍，恆住精勤行。盲眼病下劣，無依闕支損，
此於食飲用，無遮平分得。於法不希求，他界諸國王，
當隨而攝護，盡已能行持。於一切法事，不逸弘法輪，
妙義法相應，彼人委要職。知軌用具法，梵淨親不瞋，
種性高貴圓，知恩委爲臣。慷慨勇無貪，堅穩柔適行，
戒慎恆具者，任具法將相。淨具知法義，善識教乘理，
如理契中柔，耆老委重任。月月於此中，聚合悉垂聽，
聽已於法事，王汝作教誡。王權入法義，非爲求名揚，
斯有大果利，棄此則無果。人主現世間，皆此世事爲，
故汝之王政，與法相應行。知臣種高善，識理摧罪失，
相續須知善，繁常汝所爲。責罰與守護，縱理當治罰，
汝當大悲潤，恆隨作救護。此一切有情，縱造難忍罪，
王汝當恆生，利他大悲心。恣殺難忍罪，當持大悲想，
較我悲慘者，是我大悲境。一日或五日，釋彼悲囚者，
餘人亦如理，不當永囚禁。於眾無捨心，彼不生律儀，
但以非律儀，無間積造罪。乃至囚未釋，爾時爲理容，
洗浴食飲用，具諸醫療樂。於諸不堪調，若欲令堪能，
當以悲心治，非以瞋非財。瞋極殺業者，善察作鑒知，
非殺傷害人，則當逐他鄉。若於自由地，當偵探監視，
正念常戒慎，行法相應行。於諸功德處，極施供敬事，
使令廣隨行；於他餘德者，王忍如樹蔭，廣行敬奉花。
供施廣果利，民事堅穩行；王雖施耐柔，亦應具威嚴，
譬如冰糖丸，香辣味相雜。依行當如斯，正理護王政，
正理作觀抉，王政不衰損。彼不成非理，亦非爲非法，

王位於他世，俱非過未得；王位從法得，非法不可爲。
 物用於王政，諸苦物用來，任亦不成辦，王此殷重行。
 物用由王政，一一而沿習，亦任作迭替，此實當慎行。
 雖領四大洲，轉輪聖王樂，身樂與心樂，此二唯一盡。
 身受諸樂受，乃苦暫息位，想蘊彼自性，分別故唯盡。
 世間盡樂事，乃苦暫息位，尋伺分別性，實義非真實。
 洲地居處所，輜輿墊衣物，臥具食象馬，女用一一盡。
 彼時心緣受，彼時謂安樂，餘若不作意，彼時虛無義。
 由眼等五根，執彼五境時，若不作分別，彼時無安樂，
 何時任何境，彼根作用時，餘則非能行，彼時虛無義。
 由彼根器緣，始生內心識，昔時諸境相，由心作分別，
 想樂故驕妄，由彼一根識，唯得知一塵，離心既無塵，
 離塵亦無心，猶如依父母，始說有子生，故此依眼色，
 說生內心識。境有諸過未，越此無三聚，任彼根無義，
 現此亦無義。以眼錯亂故，執作旋火輪，彼諸根亦爾，
 現境作執持。諸根及境界，是諸大白性，大種各無性，
 故此無實義。大種若各異，離薪火應然，總此無自相，
 餘亦必同此。諸大二義無，故不成和合，和合無性故，
 色塵亦無性。一切識受蘊，想蘊及行蘊，各各體不成，
 彼實義無性。乃苦暫息位，以樂作驕妄，如此摧彼樂，
 苦還作驕妄，斯此無性故，當斷樂愛著，當斷苦愛著，
 見此故解脫。何心能見者，約說爲名言，無心所無心，
 不計俱無義。是以如實義，知無眾生義，如火無薪因，
 無住取涅槃。菩薩由見彼，誓求大菩提，但唯大悲故，
 受生至菩提。佛於大乘說，菩薩諸資糧，彼諸愚昧人，

瞋故作譏毀。功過或不知，或功作過想，或瞋彼功德，
 故譏毀大乘。害他爲過失，利他爲功德，知而於大乘，
 毀德作瞋嫉。自利不顧惜，唯一喜利他，德源彼大乘，
 瞋故極損害。若信人執過，任瞋作惱損，信人亦當損，
 況瞋何須說？以毒而治毒，如彼醫方行，因苦無樂利，
 摧治有何違？諸法心先行，共許心上首，心善加行惡，
 亦當獲實義；心善加行善，而得於自他，樂利何須說？
 斯法昔沿習，若能棄小樂，能見知大樂，堅故俱得見，
 故棄彼小樂。若謂不堪忍，如諸醫師作，予乏味苦藥，
 非彼究竟意。似見爲傷損，智者見爲利，一般更特出，
 論典極揚讚。如彼大乘說，大悲爲前導，慧行無垢染，
 有智誰謗彼？彼義實深廣，自因惰無修，自他敵迷矇，
 故譏毀大乘。施戒忍精進，定慧慈悲體，是大乘法義，
 何有邪惡說？施戒故利他，忍進故自利，定慧解脫因，
 略攝大乘義。二利解脫義，諸佛垂示彼，六度波羅蜜，
 故此佛教誠，由福慧自性，佛說菩提道，示此名大乘。
 痴縛不堪忍，功德如虛空，佛德無邊際，誰於佛依怙，
 大乘說堪忍，聖者舍利弗，唯具戒亦愚，故於佛依怙，
 彼義何不忍？大乘說無生，及說盡空義，盡無生亦同，
 故應堪忍許。空佛大依怙，正理若隨觀，由一大乘說，
 智者何迴異？如來思所宣，爲彼無上智，說有一三乘，
 當捨自護念，捨住無罪染；若瞋罪無善，故瞋毀大乘，
 愛己不當爲。彼小乘經教，未說菩薩願，迴向諸法行，
 云何成菩薩？菩薩爲菩提，所依佛未說，觀此勝逾佛，
 具量更何有？所依聖諦理，具菩提隨順，由彼二乘道，
 豈能逾佛果？安住菩薩行，彼經未曾說，唯於大乘說，
 智者應受持。如初教字者，令識讀簡易，佛於所應化，
 示彼堪受法；或爲淨彼惡，故示彼法要，或爲彼積福，
 或示心境同，或示心境空。甚深怖畏人，空悲心要義，

爲證菩提說，由彼知善巧，應斷瞋大乘。爲圓證菩提，
尤當極淨信，信受大乘義，行彼諸法行，故成無上道，
遍樂亦成辦。此中施與戒，並及安忍義，特爲在家說，
善修悲心要；然則世惡擾，王政若難行，爲法讚許義，
汝宜出家行。

喜。時彼眾會天人阿修羅乾達婆等，聞佛所說，皆大歡喜，信受奉行。

般若波羅密多心經畢

供曼陀羅法

༄༅། །མཚན་ལྗོངས་པ་ནི།

喻 哇雜朴米阿吽 席勇蘇它巴 大自在金剛地基
喻 哇雜惹K阿吽 外鐵圍山所繞
中間須彌山王 東勝身洲 西牛賀洲 北俱蘆洲 身及勝身
拂及妙拂 諂及勝道行 俱盧及俱盧月 眾寶山 如意樹 滿欲牛
自然稻 輪寶 珠寶 妃寶 臣寶 象寶 馬寶 將軍寶
 寶藏瓶 嬉女 鬘女 歌女 舞女 華女 香女 燈女
 塗女 日 月 眾寶傘 尊勝幢
其中人天圓滿富樂、無不具足。

以此奉獻根本傳承諸勝恩師，總集三世歸處為體，有恩本師善慧能仁大金剛持諸天眷屬，為利眾生願哀納受，又願受已，以大悲心加持自他一切有情。

香塗地基妙花敷 須彌四洲日月嚴 觀為佛土以奉獻
眾生感受清淨刹
自他身語意 資糧三世福 微妙寶壇輪 普賢供養聚 心持供上師
本尊及三寶 為願哀納受 加持自他等
伊當 菇茹 惹納 曼答拉 岡M尼R亞達雅彌
敬禮皈依上師三寶，唯願加持我內相續，我從不恭敬善知識起，乃至執著二種我相，一切倒心，祈加持速滅，從恭敬善知識起，乃至通達二種真實，一切不顛倒心，祈加持速生。一切內外秘密違緣障礙，祈加持速疾息滅。

